



Broj: 09-20-11-2-2303/22-I

Datum: 15.11.2022. godine

Na osnovu člana 43. i 45. Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH (Službeni glasnik BiH broj: 39/14), i preporuke Komisije za provođenje otvorenih postupaka nabavke u 2022. godini, zamjenik direktora Federalne uprave policije d o n o s i :

ODLUKU

o poništenju postupka javne nabavke službenih motornih vozila
za LOT 1, LOT 2, LOT 3, LOT 4 i LOT 6

1. Poništava se postupak javne nabavke službenih motornih vozila za LOT 1, LOT 2, LOT 3, LOT 4 i LOT 6, iz razloga što u krajnje propisanom roku nije dostavljena niti jedna ponuda.
2. Ova odluka objavit će se na web stranici Federalne uprave policije www.fup.gov.ba u skladu sa članom 70. Stav (6) Zakona o javnim nabavkama ("Službeni glasnik BiH", broj: 29/14).
3. Ova odluka stupa na snagu danom donošenja.
4. Za izvršenje Odluke zadužuje se Sektor za materijalno-finansijske poslove.

OBRAZLOŽENJE

Federalna uprava policije provela je otvoreni postupak javne nabavke službenih motornih vozila koji je pokrenut Odlukom o pokretanju postupka javne nabavke broj: 09-20-11-2-2303 od 21.09.2022. godine, prema Obavještenju o nabavci broj: 1412-1-1-225-3-119/22 objavljeno u "Službenom glasniku BiH" broj: 66/22, dana 30.09.2022. godine.

Komisija za provođenje otvorenih postupaka nabavki za 2022. godinu, imenovana Rješenjem zamjenika direktora Federalne uprave policije broj: 09-19/1-30-2-64 od 19.01.2022. godine utvrdila je da do propisanog krajnjeg roka za dostavljanje ponuda nije dostavljena niti jedna ponuda za slijedeće LOT-ove:

LOT 1 - (Nabavka pmv niže srednje klase minimalno 110 KW);

LOT 2 - (Nabavka pmv niže srednje klase minimalno 88 KW);

LOT 3 - (Nabavka pmv niže srednje klase minimalno 75 KW);

LOT 4 - (Nabavka pmv niže srednje klase minimalno 70 KW);

LOT 6 - (Nabavka pmv niže srednje klase), što je konstatovano Zapisnikom komisije o pregledu i ocjeni ponuda od 15.11.2022. godine.

Komisija je ugovornom organu, zamjeniku direktora Federalne uprave policije, dostavila Zapisnik od 15.11.2022. godine kojim je dala preporuku da se u skladu sa članom 69., stav 2., tačka a) Zakona o javnim nabavkama BiH, poništi postupak javne nabavke službenih motornih vozila za LOT 1, LOT 2, LOT 3, LOT 4 i LOT 6 .

Razmatrajući prijedlog Komisije, zamjenik direktora je donio Odluku kao u dispozitivu.

Pravna pouka: Protiv ove Odluke može se izjaviti žalba ugovornom organu, Federalnoj upravi policije Sarajevo, u roku od 10 (deset) dana od dana prijema ove Odluke.

ZAMJENIK DIREKTORA
GENERALNI INSPEKTOR POLICIJE
Ersad Korman



Dostaviti:

- Sektor za mat. fin. poslove
- u spis